

ZEMÄNTFABRIK Baby Jail 2012 (Text: Boni Koller)

Mir hocked am Teich und füetered d'Änte
Well mer nüüt me anders chönd
Mir hocked da wie Gheimagänte
wo sich glii ermorde lönd

De Pfläger chunnt und macht de Fernseh lüüter
Min Nachbar schlaft im Rollschuel ii
Wänn kä Musig lauft, dänn früürt er
Er isch früener Chauffeur gsi

Was söll mer sich Müeh gäh, zum öppis verschtah Ref
Frau Müller, Herr Chäller, es chunnt nöd druffaa
Seppe-Toni, Deppe-Johnny, isch doch alles gliich
Es sind sowieso alli demänt ussert ich

Ich ha vo Afang aa de lidruck gha
Ich seg nöd ganz freiwillig da
Ha nüüt z'tue und s'isch trotzdem schträng
und komisch, dass ich niemert känn

Es isch wie früener mit de Schtudänte
Es wird eim alles föifmal erchlärt
Ich bin Autischt under luuter Demänte,
D'Verschtändigung isch liecht erschwärt

Was söll mer sich Müeh gäh, zum öppis verschtah Ref
De Petersdom am Telifon, es chunnt nöd druffaa
Lismernadle, Schwiizer Garde, isch doch alles gliich
Es sind sowieso alli demänt ussert ich

Was früener zellt hät, isch vergange
De Awalt chlaut en Kafirahm
Raubtier, Jeger, scharfi Schlange
sind jetz alli müed und zahm

De Pfläger fahrt mit em Lift in Chäller
Moll, ich glaub, es langt ganz knapp
Mitem Rollschuel bini gschnäller
und vor em Heim gaht's liecht bergab

Was söll mer sich Müeh gäh, zum öppis verschtah Ref
Spanier, Champagner, es chunnt nöd druffaa

Ananas, Pythagoras und Schilte'n-As isch gliich
Es gaht niemert hei us däre Fabrik

Was söll mer sich Müeh gäh, irgend neime chlämmt's Ref
Isch das nur es Blackout oder isch es scho Demänz?
Lichterchette, Schlaftablette, isch doch alles gliich
Es sind sowieso alli Zemänt ussert ich